

永平府志

卷之十九
列女卷上
列女卷下

永平府志卷六十九

列傳二十一 列女中

遼

邢簡妻陳氏營州人父陘五代時累官司徒陳氏甫笄涉通經義凡覽詩賦輒成誦尤好吟詠時以女秀才名之年二十歸於簡孝舅姑閨門和睦親黨推重有六子陳氏親教以經後二子抱樸抱質皆以賢任宰相統和十二年卒睿智皇后聞之嗟悼贈魯國夫人刻石以表其行及遷祔遣使以祭論者謂貞靜柔順

婦道母儀始終無歉云 遼史列女傳

永平府志

卷六十九

列女中

一

明

王氏者上元主簿張昴筵室也嫡齊氏生子國祥王甫娶而昴卒時年十九隨嫡扶櫬還里族人欲奪其志泣曰余雖妾夫固官也事他人奈何七日不飲食自縊者再皆以救免後以房產盡遺族人移居城中以避其鋒撫國祥成立出仕年七十卒
庠生宋文耀妻張氏不育納妾尤氏生二子尤年二十一夫亡與嫡矢志撫孤家業賴以不墜子景光景瑗俱游庠邑宰以雙節旌之

國朝

宋梯雲妻馬氏年十六歸宋逾年翁之秦絕耗姑旋沒
又一年而夫亡無子女惟祖翁存祖翁名景時曾任
青陽令時耄老不能動履飲食便溺惟氏一人是賴
後繼子又夭至於再繼蓋集蓼茹荼四十年中曾無
一日之甘嗚呼酷矣

張氏馮昌熾妻也夫病謂氏曰我病必不起家貧無依
汝當奈何氏不語而泣曰然則嫁也氏勃然曰君姑
養病勿過慮儻有不諱地下當相見耳嗣見夫病危
遂投繯死次日昌熾乃死氏時年二十二

劉氏夫名失傳舅趙萬忠氏年十九夫亡無子父母勸

永平府志

卷六十九

列女中

一一

改適氏不從備楮帛奠夫墓晝夜哭潛自縊死其家
訟舅於官司理某得其情杖其父而旌之

正黃旗張玉林妻高氏年十九生子可立甫彌月而玉
林歿先是玉林母佟氏亦二十一歲而孀時玉林方
三歲良田數頃爲豪右所併家遂貧及玉林成立赴
愬於都抑鬱客死氏聞訃攜其母弟襁子而行泣訴
於部院事得直盡返其先疇遠近以奇女子稱之性
慈善好施而教子獨嚴有過必予杖或勸之曰吾非
不愛憐寡婦子多以驕敗縱容之恐不成人耳可立
終身謹飭以居積致富每語人曰微吾母無今日矣

卒年七十三嘉慶三年 旌

高氏按察使棠萼女孫也適莊坨周氏二十一歲而寡遺腹生子懷清周本素封氏以儉約持家性嚴重見之者氣爲之肅家人雖居私室無敢欬笑者晚年族眾欲爲請旌固辭之強而後可懸額於門戚友畢賀氏憮愴終日數月後卽命撤去曰吾重違族眾意也奚以額爲同治壬戌年七十一得疾時子已為卒彌留際屬其孫曰吾聞以節旌者立木主於縣之節孝祠吾清苦一生俾胥吏具文從事弗願也且聞守祠無人乞匄常借爲棲所木主顛倒錯亂身後受穢多

永平府志

卷六十九

列女中

三

矣謹記勿爲言終遂逝

蘇氏馮際隆妻也于歸後值翁誤斃人命際隆代父戍廣西行有日矣氏泣謂之曰君桎梏數千里妾何忍在家坐享溫飽且君歸無期此生好合已矣請以魂伴君行遂縊

貞女張氏名素蘭莫各堡人幼從外大父讀書通大義精祿命學父哲充邑里社書社總書秦某中傷革役且乾沒其代納之錢哲恚憤死妻孀子幼相對飲泣時女年二十誓明父冤質之縣某以賄餌弗爲理厯質之府道亦弗理質之藩憲始下其事於府冤乃白

復其役以與其子蓋二年中跋涉艱難瀕於死者數矣仇雖復而家益貧乃與母約終身弗嫁藉推祿命以養母母不能奪每出必與母偕所言多奇驗性閑靜寡言霜色滿面指甲長七八寸糾曲如蚓而作字極速清整有法邑人王涪厓明府爲作孝女傳見年七十三

劉履泰妻甯氏年二十一夫亡遺孤方週歲姑又繼沒家素貧身復多病乃繡佛長齋性貞靜寡言笑終日閉戶如無人焉者父教之以高王經晨夕誦之後遂辟穀日惟飲水或閒食少許菜果已四五年於今矣

永平府志

卷六十九

列女中

四

然勤於女紅刀尺機杼聲時與經聲相聞見年五十精力猶不少衰

田氏張各莊譚光楷繼室枌樹嶺人二十歲而嫁二十一歲殉夫死時同治四年五月也初氏家貧十一歲賣與張姓婦爲婢婦故孀也愛之若女同治三年八月適譚譚故賈於吉林合昏逾月卽行氏爲理客裝皆井井臨別無依戀色人以爲賢十二月譚沒於外道遠氏弗之知也及是聞信大哭盡日夜遂僵臥不言亦不食十餘日氣垂絕矣家人強灌以水忽張目視曰人以生爲樂我以生爲戚勿相強乃死夫柩至

同日合葬焉

趙氏東莊坨人夫亡後家事零落丁產俱絕不得已寄居母家里有周姓者富甲一鄉中年失偶知其賢託媒求之氏曰妾初婚時未嘗不如人孤苦至於今日者命也安可羨人之富而忘己之命乎終不改適

鄭氏深港閭錫恩妻也錫恩病天闈鄭歸年方十七數月而錫恩亡又二年其姑亦亡家赤貧氏紡績易食事翁如父復佃富室田數畝耕耘收穫皆身任之或以改適勸焉則曰吾如此命也命不可強改適何爲勸者歎息去今已五十餘歲矣窮困如故而志節益堅人咸敬之

永平府志

卷六十九

列女中

五

張于堂妻趙氏年二十四夫亡無子舅姑早逝繼夫從子定方爲嗣後入武庠兼撫夫弟于陞成立爲娶室張氏年餘陞又亡張年方二十亦無子族中無可繼者乃依嫂勵志守節事孀嫂如姑撫孤姪如子紡績餬口甘苦相依苦節四十餘年而歿

趙夢麟妻席氏年三十一夫亡遺三子氏治家有則訓子有方飲冰茹檠六十餘載壽九十三而終次子延輔妻郭氏年二十八延輔亡三子延傑妻高氏年二十五延傑亦亡俱苦節完貞人無閒言壽七十餘而

終督學錢公給扁旌曰三松蘊翠

曹培元妻朱氏年二十二夫亡家貧無子撫從子承祧年六十餘卒培元第三寶妻楊氏年十九而寶亡撫遺腹子成立苦節五十餘年卒里人稱曰一門雙節李廷錡妻韓氏八歲時童養夫家及笄婚配至二十六歲夫出外不歸月餘生一子家赤貧子不能養晚年窮困至八旬投水自盡

馬已任妻魯氏年二十七夫亡守節教子秉信入國學娣崔氏與任妻嫁三旬而與任歿遂矢志共守瑯瑯相依魯年八十一卒崔年六十九卒督學李公給扁

永平府志

卷六十九

列女中

六

旌曰雙節齊芳

齊德全妻廖氏湖北黃梅人先是德全流徙江西建昌府娶氏生二女後又路拾一女撫之年二十六夫故誓不改適每欲扶夫櫬回籍以路遠不果咸豐間髮逆倡辭氏乘閒掩夫柩寄二長女於外戚家負幼女逃出晝伏夜行得歸原籍夫弟道全性篤友于於干戈稍定之時返兄柩暨二女姪同治七八年間灤水泛溢廬舍陷沒現僦屋而居氏之苦節弟之悌弟蓋一時稱二難云

張隆本妻梁氏夫瞽而貧姑再醮婦也生二女一子翁

遠商姑深惡前子而虐遇氏年二十六夫亡撫四歲孤苦守姑藉口買棺無貲逼改適不從旋生遺腹子姑凍斃之並逐氏他徙氏無奈攜子往依於夫同母姊家子稍長習賈遂少裕厥後夫弟外出不歸姑衣食不給氏迎養如初爲子娶婦生孫子又歿氏上事衰姑下撫孀媳釋孫艱苦備嘗今孫際舜入邑庠援例報捐府經皆氏教養力也年八十二卒同治二年題旌

劉鳳儀妻楊氏夫故遺子女各一女三歲旋夭課子讀書以紡績供膏火子讀不慧令習商關外及歸省爲

永平府志

卷六十九

列女中

七

之納婦未逾月而子歿與媳矢志守節始終不渝

劉大智妻劉氏年二十四夫亡嗣子娶婦任病歿遺女二繼娶張甫六年歿遺女一繼娶張又歿復娶王數年之間喪三媳撫三女孫心勞力瘁備極艱苦

邢鳳啗妻劉氏年十九夫亡孤方在抱舅姑勸令改適不從刺一目以見志孝事舅姑撫孤更新成立守節至八十餘歲卒後更新早逝妻杜氏年二十亦承姑志守節終身

徐氏福建游擊張定亨繼室也隨夫引見旋里至杭州夫病故宦橐蕭然氏鬻服飾扶柩行數千里備嘗

艱苦卒得歸葬夫骨於祖阡前室子二後皆夭逝時家已中落撫九歲孫教養兼至誠女中傑出者戴永楨妻金氏夫故子女俱無矢志不嫁孝事孀姑人有諷以改適者氏大痛引刀斷其一指曰有再作此語者視此指觀者皆錯愕後繼堂姪德爲嗣教之遊庠孫光澍亦入泮皆氏一人之力也

宋國桓妻錢氏夫故誓不渝節繼姪邑增生焜爲嗣娶邵氏甫一年而焜亡邵亦無出姑媳共矢堅貞相依爲命錢歿邵哀毀骨立子然一身而節愈苦矣

孫惟柱妻曹氏受聘後夫卽嬰痼疾花燭夕幾不能成

永平府志

卷六十九

列女中

八

禮無何病益增劇遂奄忽以歿距嫁時僅三十七日人皆悲其遇之慘氏乃安之若素似某氏癡絕生三子二女若膜不相關者自孩提以至成人凡保抱提攜舖啜衣履皆氏身任其勞不特兒女輩忘其爲叔母卽氏亦幾忘之迨婚嫁後各生子女且蕃盛氏一劬育之飲食教誨無歧視暮年三姪毓美婦病歿遺子女各三氏憐其繼母之多累轉恐其待之寡恩也又撫之如前皆賴以成立統計氏所恩勤撫育者三十三人其天性慈祥有高出尋常萬萬者徒欽其苦節堅貞猶淺也繼姪毓秀爲嗣年八十二卒

劉王氏夫名莫考存盛母也生盛一日夫病歿節撫孤親操井臼家業漸以小康娶婦胡生二子保定保福盛旋歿時胡年二十五奉姑教子孝慈兼盡後爲定娶婦余氏福娶婦武氏余生子信而定又亡福亦相繼歿武尙無出娣姒共撫遺孤孝事堂上兩世孀姑備嘗艱苦後王至八十餘卒胡至九十一歲卒余至七十七歲卒而武年七十三尙康健如壯年人世四節均登上壽人以爲苦節之報云

李得全妻李氏年二十四夫亡遺孤兩歲病殤氏念舅姑無依矢志不移姑目失明舅患痰證氏以婦代子

永平府志

卷六十九

列女中

九

奉養無少懈撫姪爲嗣成立年八十九歲卒

閔穆熙側室張氏在室時父死貧無以葬兩弟俱幼氏告鄰里曰有能代葬吾父者甘爲妾媵穆熙慕其孝爲治喪納爲窻室數年無所出熙老病在牀氏日侍湯藥衣不解帶熙故氏年二十七誓不改適後依嗣子塏任所洵可謂節孝雙全矣

李氏齊萬福子婦農家女也素性端嚴笑言不苟一日萬福乘閒調戲氏正色拒之萬福持斧斫傷旋卽殞命乾隆三十三年 旌

監生魏業懋妻齊氏林縣知縣鳴雷女也夫早歿乏嗣

氏委家產於族人依母家守志及母卒值遼兵移駐
昌黎與民雜處氏懼辱閉戶自縊有司旌其門
王崇文妻李氏夫病革時與夫有噉日之誓夫歿親視
含殮事舅姑無異恆時及夫百日祭畢乘閒仰藥卒
年二十有七時同治六年

李氏灤州人昌黎漢軍旗學廩生山西試用同知田瑞
先繼室也氏幼讀詩書頗明大義歸田四載隨寓晉
省夫染虛腫證氏見病勢沈重誓以身殉遂絕粒不
食瑞先卒視含殮畢一痛而絕晉撫曾題 旌

魏烈婦范氏山東候補州判魏正灑繼室也秉性貞孝

永平府志

卷六十九

列女中

十

壺德幽閒正灑聞父計急欲奔喪因哀毀致疾氏典
鬻釵衣百計醫治躬親湯藥無閒寒暑正灑卒親視
含殮盡哀盡禮函招夫弟正沼踰年沼至撫棺號泣
氏語之曰人死不能復生悲傷無益但將兄柩及早
搬回故土吾願足矣人皆未料其有深意也翌早竟
僵臥不起僕婦往呼始知其仰藥以殉蓋其初不動
聲色而殉夫之志已堅定不移矣東撫文題 旌
庠生邵瑄妻劉氏年二十三夫亡撫子爾欽讀書成立
上奉翁姑竭誠盡敬頗得歡心壽一百二歲卒

以上昌黎

金

義豐縣令李寶信妻王氏值平州軍亂陷於賊賊逼欲
污之氏罵不從賊怒遂支解之大定十二年贈貞烈
縣君

元

周氏灤平石城人年十六適李伯通生一子名易金末
伯通監豐潤縣國兵攻之城破不知所終周氏與易
被擄謂偕行者曰人苟愛其生萬一受辱不如死也
卽自投於塹主者怒拔佩刀三刃其體而去得不死
遂攜易而逃間行至汴績紆以自給教易讀書有成

永平府志

卷六十九

列女中

十一

元史列女傳案舊志作金人誤志云周氏李伯通妻
也年十六父母許聘於李鄰豪覬氏美欲賄奪之氏
以死拒
卒歸李

明

甯春姐貧家女也年十四獨與母居鄰某豔其美久一
日矚母他出遂往調之女弗從則力持之而挾以刃
女大號四鄰至某始奔女哭曰吾女子被男子手近
衣領而語無狀何以生爲竟縊死兵憲劉公景耀置
惡少於法自爲文祭之值暑月啟棺改襯女尸如生
目不瞑旣灌乃瞑時崇正十年事

陳煥妻余氏戶部員外郎璘女也年十七歸瑛二載瑛

暴卒無嗣氏守志足不履闕事舅姑盡孝及歿殯葬
盡禮或諷改適氏怒號哭成疾不肯服藥死宏治十
四年詔旌

慶陽郡守張聯奎妻田氏崇正初奎因病僑寓邢臺流
賊破城邢氏被執不屈死

國朝

袁侑妻楊氏年三十夫亡無子矢志守節繼姪學仲爲
嗣上事舅姑下撫幼子茹荼集蓼曲盡孝養親歿殯
葬如禮娶婦錢氏學仲亡生遺腹孫亦天兩孀相依
袁祀幾絕又繼族姪學商爲子以商子繼佃四十餘

永平府志

卷六十九

列女中

十一

年備嘗艱苦

庠生李學詩妻趙氏童生學書妻高氏娣姒也昆弟友
于誘篤娣姒亦相親如姊妹一門之內雍雍如也一
日同涉河弟誤入深處兄奮身赴救遂相抱俱溺時
趙二十有五僅生二女高無出年止二十耳系皆出
世家嫺姆訓痛所天非命恐相從以死重貽夫子羞
顧家徒壁立無所恃以存活乃矢志共守啜菽飲水
無幾微憾歲時必潔酒饌祀其夫飢凍疲勞久而益
困度勢不可同居高就食於母家趙乃往依夏氏女
語其壻與女曰極知而非素封未亡人止借一席地

不以衣食相累也紡績自給晝夜不輟壻偶遺以甘旨輒卻而不御女詰故終無言歲除必營數日之糧呼高返舊廬同營祭享人日後仍各歸所停泊處有高其節相慰勞者則謝曰此吾分內事何侈陳爲趙年八十六壽終高年八十壽終

吳鍾泗妻劉氏年二十一夫亡撫孤畜成立娶婦張氏年二十畜又歿撫遺腹孫成立曰勤紡績兩孀相依艱辛備至守節三十九年卒

庠生王曰琦繼室魏氏苦節張氏之嗣婦也張僅育一女末期而寡以堂姪琦爲嗣琦少多病連娶某某氏

永平府志

卷六十九

列女中

十二

皆早卒繼聘卽節婦也歸琦時年二十三生子未週而夫歿於時家徒四壁糴糧不給家居柳河柳河者水鄉也常撈取蘋藻雜糝粃曠之卒無愠色奉姑維謹或勸其改適峻拒之又逾年而子殤兩世孤嫠僅守一抔土鄉鄰皆爲感泣姑數促改適堅不去撫族娣吳氏未週歲之遺孤順兒爲子姑媳紡績餬口達旦不然鐙火麥飯豆粥三旬九食親族分一味之甘度弄之以供其姑有時歸甯見盤餐羅列則哽咽不能下咽曰吾姑數十年未嘗此味矣後姑病劇謂氏曰吾必不起念無以報汝但願娶孫婦如汝者以報

汝吾目瞑矣卒之日香聞一室咸歎爲苦節之驗氏
典賣衣衾拮据以葬葬後家益窘氏終能撫子成立
爲之娶婦人稱王門兩苦節云

參錄魏太
守元樞傳

弭廷宣妻顏氏年三十夫亡遺孤景韶尚幼氏勵節撫
孤貧苦不恤娶婦張氏事姑極孝年二十六而景韶
病歿時家酷貧母兄欲奪其志氏曰烈女不事二夫
况孀姑老矣天豈容棄親而就溫飽乎吾遇此天也
之死靡佗兄慚而退後事姑至七十六歲以壽終

李騰蛟妻吳氏弟騰雲妻張氏蛟壩簾和諧而築婁亦
極雍睦後蛟兄弟相繼歿氏與娣張同心苦守孝事

永平府志

卷六十九

列女中

十四

祖姑一門雙節鄉鄰重之

庠生王豐年妻孫氏年二十八夫亡遺孤士純氏辛勤
撫育爲娶趙氏僅二十六日純暴卒姑媳共勵冰霜
始終靡忒孫年七十八卒趙年八十四卒道光十三
年同旌

劉寬妻崔氏年二十九夫亡撫孤永祜成立娶婦張氏
克盡孝道生子璋而永祜歿時張年三十矢志奉姑
教子迨子璋娶婦王氏不三年而璋又歿王年僅二
十一三世瑩嫠一門苦節知府游智開並旌之

劉永錫妻高氏年二十六夫亡撫遺孤府矢志不渝及

府成立娶婦杜氏事姑相夫頗稱孝謹未幾府又歿
氏時年二十七與姑共矢堅操相依如母女焉
馮璽妻劉氏年二十八夫亡矢志撫孤德謨成立爲娶
夏氏生二子而德謨歿時夏年二十五與姑劉撫育
兩孤皆成立婚娶長朝棟娶曹氏次朝柱娶黨氏娣
姒雍睦事親維謹曹年二十五黨年二十三而朝棟
昆弟又相繼歿三世四節冰霜共勵人皆悲其遇之
慘焉

屈廣生妻孫氏家綦貧夫貿易關外十二年無耗氏孝
事翁姑教養幼子惟紡績是賴後翁姑相繼歿氏無

永平府志

卷六十九

列女中

十五

力營葬權浮屠以待夫歸子年十五令出關尋父至
則父歿已七年矣土人憐之爲指其墓子號痛欲絕
急歸告母氏竭力備資迎柩旋里與翁姑一並營葬
母節子孝誠足風云

龐繼妻劉氏夫故遺孤甫三歲孀姑已哀氏事親教子
心竭力瘁及子娶生孫甫週歲而子又歿氏與媳高
氏同矢苦節共撫幼孫一門雙節鄉里欽之

舉人李念曾妻趙氏樂亭監生象復女也兩歲喪母年
十四父又歿時繼母生弟妹皆幼氏恐身爲繼母累
也遂與祖母同寢處祖母安以哭子喪明出入扶持

倚氏如左右手氏曲意承歡雖心悲失怙而憂戚不形於色由是祖母以下皆愛憐之年十八歸李李固世家動必以禮姑劉性嚴重有河東柳氏風氏先意承志較在室時尤孝謹娣姒三人日侍姑側然非氏手自烹飪雖甘旨不下嚙以故二三十年不敢歸省母家以姑之不可旦夕離也生四子一女家業漸凋夫常課讀於外長子人龍初入塾氏教之曰我家數世皆科第汝父所以孜孜舉業者恐箕裘或墜耳汝宜力圖上進勿使我死後愧見先人也後人龍弱冠遊庠氏訓迪之力居多年五十二以勤勞致疾徧呼

子婦至告之曰祖母尚在我先死罪將焉贖幸汝等皆知盡孝吾目瞑矣所恨者未見汝父子登賢書耳語訖遂逝夫感其孝誓不再娶子人龍於服闋後遂食廩餼夫於光緒乙亥科領鄉薦暨五年正月姑劉無疾而終氏夫痛哭嘔血未一月以哀毀卒人謂孝子孝婦萃於一門洵無忝兩家門閥云

趙柏齡妻郭氏夫年十六忽染沈疴俗有衝喜之說翁欲爲子完婚謀諸氏父父不允女謂父曰生死命也畏夫死而不往何顏生天地間乎父依女言嫁之甫二十日夫亡氏盡哀盡禮矢志靡佗然家無隔宿糧

惟賴女紅自給及翁姑歿茆屋三間售其半以襄葬
事葬畢卽閉戶紡織恆忍飢不出鄉里憐而重之
知府高顯辰妻戈氏一作葛氏隨夫任雲南遇吳逆之變顯
辰殉節仰藥死氏亦自經

于烈女趙家莊于萬清女也字豐潤縣武庠生張某未
婚而張歿女年十八聞計號痛不已固欲往壻家守
節旣知母志不從遂不復飲食數日後竟自縊死
袁禮五妻劉氏年十九歸袁甫踰半月夫卽出外家無
儋石氏以紡績孝養老姑無倦色十年後夫死於外
或勸之嫁氏拒曰老姑倚我何云嫁耶至四十歲後

永平府志

卷六十九

列女中

十七

姑歿其母兄偪誘他適卒死非命遠近慟焉

伍成勳妻陳氏年二十三夫亡貧無所依氏躬親殯斂
貌不甚戚親族皆不料其有他也無何夜深人寢氏
卽於柩前縊死親族爲同葬焉

王成姐州南儉城社王宗孟女也生有淑姿賦性端謹
年十八時母命往同村柏父家餽遺食物經由僻巷
有里中惡匪某見之要截於路穢言逼戲女厲聲叱
退歸家哭訴欲死母再三勸慰女泣誓曰婦人最重
者顏面吾以深閨處女無端而受匪言縱欲偷生有
覩人世舉家防守甚嚴然女已不復飲食矣三日後

伺閒服溲卒匪某驚懼亦自縊死嘉慶九年 旌
李香姐貧家女也其父母遇荒歲徙至遷安女於嘉慶
庚午正月適灤之石佛口後莊高某未弔月見夫家
有帷薄不修者女懼遭污辱遂飲溲而死里人重之
立碑於冢前曰李香姐墓

聶氏庠生夏輔明妻也明崇正九年輔明隨叔建中之
扶風縣佐任死於流寇家人負骸骨歸氏年甫二十

永平府志

卷六十九

列女中

十八

痛哭欲絕五日不食誓以身殉時有六旬孀姑五歲
孤子親族責以孝養大義乃蹶然起勉治喪事姑臥
病九載日夜侍湯藥及歿殯葬皆如禮守志四十餘
年教子瑚成諸生瑚事母亦以孝聞

石氏庠生倫品著妻年二十三夫死氏決志殉夫小祥
後自備含襚緹纈之屬入室自縊遠近奔視面色如
生士大夫爭爲詩文以弔之

吉謙妻蕭氏年二十七而夫亡時翁耄喪明二子皆稚
幼仰事俯畜惟氏一人是恃後二子讀書俱入邑庠
氏喜曰庶不負吾半生心血耳族有弱女無所依爲

收養擇配嫁匱豐備尤人所難能者卒年六十七
趙應泰妻王氏年十七而寡或勸之改嫁誓死不從曰
爾無子守何依氏曰姑吾母也吾善事而依之復何
憂後繼嗣視如己出或又勸之與伯兄異產曰兄弟
分家人之所鄙吾雖婦人不爲是也

劉氏庠生陳瑋妻也瑋邁危疾執氏手曰我必不起守
志非易事况家貧汝又無子我死汝卽他適以圖存
我不汝憾也氏泣曰是何言儻有萬分一我必不負
君請勿復言及瑋死氏服毒衣妝畢拍靈牀而呼曰
我不負君也遂死於側瑋復甦張目視良久乃瞑氏

永平府志

卷六十九

列女中

十九

時年二十七郡守華公黃輓之以詩張公朝琮旌之
以額

申氏王克瑞繼妻也二十一歲夫故氏痛不欲生姑張
氏慰之曰夫死婦殉固理之常然汝有六月遺腹在
祖宗血食惟此是賴汝何死若他日不幸而生非男
汝行汝志不晚也氏乃蹶然起後果生子初氏翁兄
弟三人俱各饜氏夫出嗣季父本生父及世父俱早
世子又俱夭二嫠婦無以爲生氏皆迎養焉周旋三
姑之間不以爲難三家婚嫁喪葬事皆身任之拮据
勤苦所費不貲而家猶賴以小康焉

王氏宣聖功之妻庠生君佐之女也嫁三年而聖功沒
祖姑孫宜人曰苦吾孫婦矣曰命也奈何攻苦食啖
乃倍未寡時時年方二十二也而後之葬祖姑與翁
及爲嗣子授室諸大事皆經營盡禮先是翁有筵室
牛氏生三女而亡復納安氏亦生一女氏皆教以鍼
黹將嫁爲治匱具悉豐備間有不善者輒出已嫁衣
代之無吝色而安氏者亦青年守節助氏持家人謂
氏德之所感云

張宗姐城北教場人生而篤厚與人無戲言十五歲時
談星命者謂女造法當剋夫女信之一日媒爲議婚

永平府志

卷六十九

列女中

二十一

某氏事將成女謂父母曰星家向以兒命薄以兒故
而殃及他人吾不忍願以丫角事父母以懺來生父
訶之無言而出遂投井村人見之而譁家人往救則
端坐水面縋出之固無恙父母憐其愚遂不復強年
三十餘終於家

于貞女屈王店人也七八歲時其母爲之纏足輒啼哭
昏暈欲絕不得已聽之及長不喜修飾髮茸茸然垂
肩而下不梳不櫛亦不紊亂人咸異之父母與之論
婚聞卽氣絕後遂無問字者工女紅勤紡織精緻過
人家故貧以十指爲父母養然不作嫁娶等物有求

者必峻拒焉鄰女幼同嬉戲適人後偶與論及壻家便怫然不悅年七十餘卒於家其弟集其生平鍼黹所得購良田數十畝稱小康焉

張氏樂邑庠生鵬翼之女倂城王一肅之妻也十七歲歸一肅一肅溺賭博時終夜不歸氏以夫故亦失舅姑愛常切諫繼之以泣終弗悛後年餘一肅沒兄子啟藩方週歲喪母氏遂撫之爲子以紡績供讀啟藩亦知奮勵得補邑庠道光二十年卒年四十有二

烈女舒氏小字妥姑杏兒山人生八月失恃母青年守節特珍愛之幼字馮各莊王廷會同治三年女年十

永平府志

卷六十九

列女中

二十一

八矣未及嫁而壻亡女聞訃不食或慰之則面壁飲泣越數日有欲爲女議婚者與母作耳語女察其情夜遂飲溲死時四年正月二日也夫家請於母合葬於夫之墓爲之立嗣焉

榮姑姓王氏姜家泡人姿致嫺婉父作霖愼爲擇壻故十六猶未字也其姑母適周家莊而寡常迎女往伴有匪徒張聚興者居胡家坡去周家莊里許窺女美糾惡黨數人深夜踰牆撥門入持刃相逼姑與女驚起喊罵張毆女並及姑罵愈厲乃力扼其喉女與姑同時死婢香兒僅十歲以米囊壓腹亦死時同治四

年十月十九日夜也其父控諸官踰年始獲犯梟示
李氏屈家莊人十七歲適庠生張綱文之季孫張相越
三載夫亡又四月遺腹生子氏抱之而泣絕而復甦
者再時舅姑已沒家赤貧期功之親亦無可依不得
已攜子託於母家刀尺機杼晝夜不輟母憐之命以
稍休曰吾家業空空久居此亦非長策不及此盛壯
之年少爲蓄積異日何以爲生教子極嚴稍有放蕩
卽痛加楚責或勸之泣曰寡婦之兒易以姑息敗若
不成人何以見亡人於地下且吾何望也其子亦善
承母教爲里中善人今氏年五十已抱孫矣而勤苦

永平府志

卷六十九

列女中

二十一

如故鄉黨皆稱之

常氏庠生常克慎之仲姊也適同州許國儒國儒有心
疾昏不知人時以刀逐氏不敢同室處與孀姑共榻
克盡婦職姑特憐之時女伴有謂之者曰有夫如此
與無同不如死氏憮然曰吾非不能死但姑老矣而
子廢而吾又死是死吾姑也不可且待之及姑沒氏
撫棺痛曰吾將事姑於地下矣家人防之嚴不果後
年餘乘閒自縊死時年三十有七

孫氏司一社賈克明之妻也生女而寡翁娶再醮婦有
前女隨之來翁愛女遂與氏仇氏百計孝順終弗解

凌虐之使改嫁不從則設法強賣之凡三賣得三脫歸不得已避居女家翁又欲賣其居室使無所歸族人不平共爭之始得留數椽焉初翁之賣之也始爲馬各莊馮姓翁乘夜率人彥門入強扶起納之巾車中鞭馬急馳氏極力呼號以頭撞車血流滿面族人驚起共追至馮姓家爭之歸繼爲豐潤縣黃米廩方姓氏懲前事常以刀自衛時冬殘村中丁壯皆赴集突月男子入其室挽出登車氏以刀連傷數人車中健婦二左右抱持之驅車去族人自集返聞之大怒持械追至半路奪之歸而豐潤縣雙井莊鄭姓喪婦

翁又使媒合之時氏寓女家翁使人以車來迎給之曰翁病且殆須急歸氏不暇問登車夜發竟送至鄭姓家氏瞋目謂之曰汝無婦而欲婦吾吾賈家婦也終不再爲人婦儻相逼卽從衣底出短刃右手緊握指曰不知吾死而汝死也鄭懼婉謝之送之歸蓋氏自二十九歲夫亡以至六十歲者日嘗艱險已三十年於今矣

常沅妻吳氏幼賢淑明大義年二十歸沅沅世家子而貧氏鬻匳物爲夫人成均試秋闈繼應涇陽莫明府書記之聘攜氏奉其庶母李氏並二子一女及媵姚

氏往同治元年髮逆由楚竄陝涇當南北孔道爲賊所盤踞而回逆亦乘閒竊發圍城三月城中乏食氏謂沅曰我輩女流遭此亂離命也儻有不測義無生理君早爲計毋相累也十二月四日城陷氏促沅逃出門以待賊入氏一手持刀一手抱女指曰欲何爲財物任攜去賊曰烈婦也不可殺擄其二子去氏恐賊再至遂抱女投井死時年三十有四而其庶母李氏並媵姚氏亦同時投井死初沅逃時積屍徧地伏暗中夜出登城一躍墜塹中幸無損至三原或贈以資得至其從兄瀚榆林道署一夜夢中見一人持

簡入上書報單二字啟視字泥金書前楷後篆遑遽閒祇記奉勅陞淮南山菩薩八字

案淮南山在陝西

氏後至

著緋色無縫衣光華射目謂沅曰吾得死所矣幸無重念二十年歸來我去矣沅哭留之忽不見而沅弟妻王氏是日在家所夢同復以翁姑爲託然二十年歸來一語殊不解及同治八年氏長子寶森由甘省賊營逃歸回憶其年正二十也

段烈女宦姑城西宋莊人幼許字於馬莊李生洪洪讀書攻苦甚勤自矢非入類不娶以是女年及笄猶未賦于歸也同治十三年洪郡試第一明年爲光緒初

元學使按臨試有期矣洪在郡忽得痰迷證未及試遂遄歸暴卒女聞之大慟欲奔喪守志父母及夫家皆力阻之後聞其父欲別爲締姻女吞聲飲泣寢食俱廢其母及伯叔曲爲勸慰乃收涕默默不作一語旣而媒妁往來女不喜亦不怒家人皆竊竊然謂其意已回也及行聘之日遂乘閒自經死時年二十三闔邑紳衿公請合葬爵相李公旌其門知府游智開爲之采石立碑

張氏樂亭恩貢生舒錦之長女也字高各莊劉君輔爲妻結褵後君輔得心疾時愈時發以至於死氏年方

永平府志

卷六十九

列女中

二十五

二十九翁姑早世無子女母見之泣曰兒何命孤若是曰母勿悲繼子而有子後此事正未艾也當是時族大丁多皆爭繼一時蜂起氏之房產羣爭而瓜分之不得已鳴於官卒擇賢者嗣焉然產豐子幼垂涎者猶百計欺凌之或勸拚十一之產分賜之以安其心氏曰貪狼無厭惟謹避之可耳乃攜繼子返母家使從外祖讀書家居者凡十八載惟歲除歸祀祖先作數日往返餘則閉處一室以鍼黹過日性喜潔手盥濯日五六次坐臥俱有常處不使人近子稍忤意輒怒每至長跪乃解然逾時卽慈愛無異所生年八

十五卒子名文亦以孝稱

石氏玉田人朱擇仁妻也十七歲于歸未數年而擇仁
亡氏大痛得疾期以必殉毀褻衣扃箱籠婢媪微窺
其意防之嚴乃卻藥餌屏飲食家人苦勸之數日始
進一餐氣息奄奄數月死

王墀妻邊氏王家樓莊人年十七歸墀逾年夫亡無子
爭嗣者幾不使葬氏揮淚執紼而前族眾亦無如之
何既葬爲翁置妾以絕眾念數年妾卒遺一女甫彌
月氏代爲撫養如已出見年五十

以上灤州

永平府志

卷六十九

列女中

二十六

